

لما روجي طلعت.....(فاتازيا كوميدية)

المشهد الأول

(بأحد اسطح عمارات وسط البلد ، تُفتح الإضاءة لئرى فتحي الشاب الفقير الذي قارب الثلاثين من العمر جالسا على ترابيزة صغيرة في شروود شديد حيث يكتب وصيته الأخيرة)
ص.فتحي:الآن..اكتب وصيتي الأخيرة..قبل ان أتخلص من هذا العالم بشقاءه وعناءه..قبل ان أتخلص من نفسي التي أرهقتني كثيرا..غير نادماً عليها..

(نسمع صوت من الخارج لسلامة "البواب الصعيدي")

صوت سلامة: يا استاذ فتحي...يا استاذ فتحي..

(يدخل سلامة...)

سلامة: يا استاذ فتحي..يا استاذ فتحي

فتحي: "بضيق" نعم..أوامر

سلامة: الأمر لله وحده..انى كنت جاي اطل عليك و اجولك..كل سنة وانت طيب

فتحي: بمناسبة ايه..!!؟

سلامة: كيف يعني بمناسبة ايه ؟!! النهاردة اول الشهر يا استاذ فتحي

فتحي: ااه..وانت طيب يا سلامة....تعرف..أنت الوحيد اللي بيقوللى كل سنة وانت طيب 12 مرة في السنة

سلامة: ايوه امال..احنا عندينا كام استاذ فتحي عشان نعيد عليه ؟

فتحي: الله يكرم أصلك..وعموماً انا متشكر على مجاملتك الرقيقة

سلامة: متشكر حاف إكده..؟

فتحي: طب أعمل ايه يعني ؟؟ احوطها لك في طاجن كبده !!!

سلامة: لاه..أني عايزك تجولها لي وانت بتدفع الحساب اللي عليك

فتحي: حساب ايه..؟

سلامة: حساب مسح السلم..والنضافة..وصيانة السانسير

فتحي: سلم ايه ونضافة ايه..؟ ثم احنا عندنا اسانسير اصلا..؟

سلامة: بص يا استاذ فتحي..انى بواب..وبتحاسب عالسانسير سواء كان موجود او لأ..وبعدين مش مشكلتى انكوا معندكوش سانسير..

فتحي: يعني انت عايزنا ندفع فلوس على حاجة مش موجودة ..؟

سلامة: انى ماليش صالح ..انت عليك فلوس..يبجى تدفعها..زيك زي كل شقة

فتحي: حلو..اديك قولتها..ذي كل شقة..انا بقى مش في شقة..انا عالسطوح..ومعنديش سلم اطلع عليه .. انا بنط من على بيت الجيران..والزبالة برميها على الناس اللي تحت وبريح

دماغي..يبقى فلوس ايه اللي تطالبني بيها..؟

سلامة: يعني ايه يا استاذ فتحي..؟

فتحي: يعني م الآخر كده مش دافع..

سلامة: ليه معاكش افلوس اياك ؟

فتحي: سلامة يا حبيبي .. انا فيه عداء كبير ما بيني وبين الفلوس..وم الآخر كده مبنستريحش مع بعض..فهمتتي..؟

سلامة: خلاص..اخذ حقى خدمات

فتحي: خدمات ؟!!

سلامة: ايوه خدمات..تخدم على مرتي وتجيبها لي هيه عاوزاه م السوق والسوبر ماركت والجزار وفرن العيش لحد ما ارجع م البلد .. اصل بيني وبينك رايح اشترى عشر فدادين

جداد ..

فتحي: "بكبرياء" بتقول ايه..؟ عايزني انا..فتحي السيد على..عشر سنين في رابعة حقوق..اخدم على مراتك انت..؟

سلامة: وفيها ايه..؟ اهو على الأقل تشتغلك كام يوم بدل ما انت عاطل

فتحي: عاطل..!!!؟ بجد ده كثير .. كثير عليا قوي يارب..يعني اخرتها اشتغل خدام..وعند مرات البواب ؟!!!

سلامة: ومالها مرت البواب؟.. ايه.. مش بنى ادمة اياك؟
فتحي: ان جيت للحق انا بشك في المعلومة دي..
سلامة: بتشك؟!! كيف يعني بتشك؟.. بتشك في مرتي يعني؟..
فتحي: ياعم اشك فيها ايه.. هيه دي حد يبصلها؟.. انت بقالك قد ايه متجوزها؟
سلامة: ست سنين
فتحي: ومخلفوش صح ؟
سلامة: لاه
فتحي: عشان كده.. روح اتأكد في البلد وشوفهم جوزوك مين عشان انا شاكك انهم خدعوك
وجوزوك واحد صاحبك
سلامة: ماهو ده اللي مطمئني.. انى لما بغيب عنها ببجي مطمئن ان محدش هيبصلها
واصل.. وعشان اكده جولتك خد بالك منيها لحد ما ارجع..
فتحي: طيب بص يا سلامة..
سلامة: نعمين..؟

(يمسك فتحي بالوصية...)

فتحي: عارف دي ايه..؟
سلامة: لاه..
فتحي: دي تبقى وصيتي.. عشان انا هنتحر دلوقتي.. واطن انى لو قتلتك وانتحرت فمش هخسر
حاجة.. طبعاً فهمتني..
سلامة: طبعاً..
فتحي: طيب مدام فهمتني واقف ليه.. "صارخا".. بره... "صارخا" بره.. بره ياله.. بره يا ولاد
ال...

(يخرج سلامة مسرعاً فيتنهد فتحي ويعود الى كتابة وصيته...)
فتحي: عصبي قبل ما اموت المتخلف... "ينظر في الوصية" انا وصلت لفين.. اه.. ماشي...
(يكمل كتابة وصيته فنسمع ما يدور بخاطره او ما يكتبه...)

صوت فتحي: قبل ان أتخلص من هذا العالم بشقاءه وعناءه.. قبل ان أتخلص من نفسي التي
أرهقتني كثيراً.. غير نادماً عليها.. اما عن روحي.. فلتذهب الى الجحيم

(يسمع صوت شجار شديد .. يتجه الى مصدر الصوت ليجد صديقه (فتلة) وقد تقطعت ملابسه
..حاملاً (جوزة خاصة بمخدر الحشيش) وهو يعبر سور العمارة الأخرى ليستقر على
سطح العمارة وهو يتشاجر)

فتلة : (متحدثاً إلى جهة العمارة الأخرى) ياعم روح اجري.. وربنا انت كداب وما تعرف تعمل
حاجة.. دا انا أملكوا حظر تجوال ومخرجكوش م العمارة.. انتوا مجانيين ولا ايه ؟؟
فتحي: فيه ايه يا فتلة...؟؟

فتلة : دي عالم مجانيين ياعم... طول عمرهم عارفين أننا بنطلع من عمارتهم على سطح عمارتنا
ومبيتكلموش.. إسمعنا متضايقين النهاردة يعني ؟؟

فتحي: ليه هو حصل إيه ؟؟
فتلة : ولا أى حاجة.. طالع على سلمهم عادي.. تعبتي.. قولت أريح واخذ نفسي شوية.. فيها حاجة
دي ؟؟

فتحي: لا
فتلة : لاقيت باب شقة مفتوح وفيه سرير وواحدة نائمة.. قولت أكوع جنبها خمسية فيها حاجة
دي ؟؟

فتحي : لأ دي فيها كتير يا فتلة.. داخل شقة ناس تانية وبتام جنب حريمهم ومش عايز يبقى فيها
حاجة ؟؟

فتلة : ياعم وانا إيش عرفني أن جوزها كان موجود.. ثم اصلاً مراته مش تكتلوش هو إيه اللي
مضايقه ؟؟

فتحي: لا والله.. فتلة أنت شارب حاجة مش كده ؟؟

فتلة : اه طبعاً... (مخرجاً قطعة حشيش) ومتخافش.. شايلك نصيبك..
فتحى: لا خاليهولك.. انا ماليش في الحاجات دي.. ثم انا عندي حاجة أهم
فتلة : (بسعادة) بودرة؟؟
فتحى : هو انت الحياة عندك عبارة عن مخدرات ؟؟ انا بقول حاجة أهم.. (متجهاً إلى خطابه)
وصيتي.. وصيتي الأخيرة
فتلة: (متهكماً) وصيتك ؟؟ ليه ؟؟ قررت تقسم تركتك وممتلكاتك ع الجمعيات الخيرية لما تموت
؟؟ طب مش هتسبب لصاحبك حاجة ؟؟ حتى القصر بتاع مارينا
فتحى: انت بتتريق مش كده..؟؟ بس انت عندك حق.. انا بكتبها لمين..؟؟ (يقطع الوصية) وادي
الوصية اهه
فتلة: إيه ده انت بتتكلم جد ؟؟ انت كنت بتكتب وصية فعلاً ؟؟
فتحى: اه
فتلة : ليه ؟؟
فتحى: عشان هنتحرر..
فتلة: ليه يابني.. انا مضايقتك في حاجة..
فتحى: (في غيظ شديد) فتلة.. شوف الهباب اللي هتشر به ده وسيني في حالي عشان أنا مش
ناقصك.. انت مش شايف البؤس اللي احنا فيه.. مش حاسس بالفشل اللي محاطنا في كل
حته..
فتلة: يا عم.. متحطش في دماغك و اعمل زيي .. لو في حاجة مضيقاك هرتل وهيس.. وشذلك
نفسين وانت بتغني بيتين شعر من بتوع الساهر.. الله عليه.. الله عليه وهو بيقول..
صوت: انتوا يا جرابيع.. يا اللي الدسته منكوا بشلن يا مقاطيع.. يا اللي محدش من وشكوا
يشترى ويبيع
فتلة : شوفت.. بيقول كلام يتدرس
صوت: انتوا يا هم.. يا مصيبة سايبه ما تتلم .. يا اللي ما فيه في وشكوا نقطة دم
فتلة: عارف ياد..؟ كاظم الساهر لو استمر على مستواه ده.. هيبقي احسن من عماد بعروور
فتحى: "بانز عاج" عماد بعروور إيه يا غبي..؟ دي ام ريعو صاحبة البيت
فتلة: ايه ده.. هي ام ريعو صاحبة البيت..
(تدخل ام ريعو صاحبة المنزل وعلى وجهها الغضب الشديد ومعها ابنتها لوزة)
ام ريعو: ايوه صاحبة البيت يا عين أمك.. ايوه صاحبة البيت يا كبد أمك.. ايوه صاحبة البيت يا
قلب امك..
فتلة: عين وكبد وقلب..؟ طب مفيش قسم للأسنان...؟ اصلي عندي ضرر هنا ناقح عليا و.....
ام ريعو: واد انت.. فوق بدل ما افوقك
"يتصنع فتلة عدم رؤيتها"
فتلة: فتحى.. انت سمعت حد بيتكلم دلوقتي وعامل فيها منبه ؟
فتحى: خالص.. ده تلاقه بس من تأثير المخدر اللي بتشر به
فتلة: انا برضو بقول كده
ام ريعو: شوف يا خويا العيال وبرودهم اللي ما في في وشهم نقطة دم.. اللي ما بتحق فيهم
كلمة..
لوزة : (تنظر الي فتحى) ما انتي لسه قايلة بلسانك يا امه.. معندهومش نقطة دم.. و باعو دمهم
خلاص
فتحى: "بغيط" استغفر الله العظيم... انتي عايزه ايه يا لوزة ؟
ام ريعو : عايزين إيجار السننتين يا عنيا.. ولا هتعيشوا على قفانا عوالة ؟
لوزة : ذي ما كانوا عايشين طول عمرهم عوالة
فتحى: الله يسامحك يا لوزة.. الله يسامحك.. مش مكفيكي اللي عملتية فيا..؟؟.. تسيني وتخطبي
لكماشة العجالاتي وكمان جاية عشان تعابريني ؟
فتلة: مش اسمها لوزة ؟ عايزها تتجوز واحد اسمه ايه ؟ محسن ؟ ما أكيد لازم يبقى اسمه كماشة
(ينظر لأم ريعو) عشان يقطع وسط اللي...
ام ريعو: بتقول إيه ياه..؟

فتلة: بقول بحبك يا ام ريعو..دا انت ذي أمانة.. ولوزة ذي اختنا..وريعو اللي عمري ما شفته ذي
أخونا..هو فين ريعو ده ؟
ام ريعو :ابلفني يا واد ابلفني..خش في عبي يا واد خش
فتلة: عيب بنتك واقفة..
لوزة : بقولك إيه يا امه..؟ سيبك منهم..دول عيال نصابه..يعني مش هيجيبلك حقك غير
الحكومة..
فتحي:(صائحا) هي حصلت..
لوزة/ام ريعو: اه حصلت..
فتحي: انا بقى لسه محصلتش عندي..ولما تحصل بيقى نتكلم ساعتها
فتلة: الله عليك يا ابني..افهمهم من كلامك "المعسل"
ام ريعو: دا انا اللي هديك "باللاي" على دماغك "الفارغة"
لوزة: وبعد كده نولع فيك ونمسكوك "بالماشة" ونرميك في الشارع
فتلة: حد يناولني "حجر" اديها بيه في وشها
صوت كماشة: بت يا لوزة..انت يا بت يا لوزة....
لوزة: اهو جالك سيد الرجالة اللي هيعلمك الأدب..نعمين يا سيد الرجالة
- يدخل كماشة من الخارج وفي يده مفتاح انجليزي
كماشة: سامع صوتك من اخر الشارع يا بت..في حد مزعلك..
لوزة: اه.. العيال دول .. مزعلني ومزعلين امي..ومش عايزين يدفعوا الأيجار اللي عليهم..
كماشة:يا نهار مالوش كاوتش.. هما ميعرفوش ان انت الموزة بتاعتي ؟ (لفتحي) انت مزعل ام
الموزة بتاعتي ليه ياه..
فتحي: استاذ كماشة..انا بحذرك من أي فعل متهور..واديني قتللك..واكيد انت عارف اني بفهم
في القانون كويس
كماشة: اه..على الكلية اللي مش عارف تتخرج منها بقالك عشر سنين..ياله انت ملكش
لازمة..ياله انت فس..
فتحي: فس..؟ سامع يا فتلة..
فتلة: عجلا..عايزه يشتمك يقولك ايه..؟ dam you ?!!...
كماشة: عارف ياله يا فتحي..انت ولا حاجة.. واحد غيرك كان دفن نفسه..
فتحي: استاذ كماشة لو سمحت..مالوش لازمة الكلام ده..انا هنتحر من غير اى حاجة..
ام ريعو: لا يا حبيبي..الأيجار يجيلي الأول..هجييك منين تاني لما تنتحر..
كماشة: صح يا حماتي..انت تجيب الأيجار ياض الأول..بعدها بقي تنتحر..منتتحرش..ملناش
فيه..انت فاهم ياض ولا لأ..
ام ريعو: ويكون في علمكوا لو إيجار السننتين مجاش الليلاي..والله لأكون مودياكوا
القسم..وشوفوا بقى هيصلكوا ايه هناك..
لوزة : "بسعادة وسذاجة" اه..ذي ما بنشوف في الموبايلات..
فتلة:موبايلات..!! الحق يا كماشة..بتشوف حاجات اباحية من وراك
كماشة: انا اللي كنت باعتها لها بلاوتس ياه
فتلة: كده عداها العيب
كماشة: بس مش هيعديكوا ياه..وذي ما قالت حماتي الباب العالي و الصدر الأعظم .. الأيجار
لو مجاش الليلاي مش هيصلكوا طيب..ياللا بينا يا حماتي
ام ريعو: ياللا يا عين حماتك..
"يخرج الثلاثة ويبقى فتحي وفتلة وحدهما..كما يبدو فتحي في قمة الضيق بينما فتلة على
ابتسامته وتهكمه المعتاد"
فتلة:"متهمك" عين حماتك..؟ دي ذي عين شمس يعني..
" يلاحظ فتلة ان فتحي في قمة الضيق ولا يرد..
فتلة : إيه يا عم مالك..؟ انت خدت على كلامهم..؟ دول عالم كدابة..
فتحي:عالم كدابة عشان عايزين حقهم ؟ دول بيقولوك هيوذونا القسم

فتلة: طب ياريت.. ع الأقل اكل ومرعة.. وقلة صنعة.. الله يرحمك يا امه.. كانت دايمًا تقوللي...
ياض يا فتلة.. السجن للجدة.. وللجدة.. اه والله
فتحي: عارف يا فتلة..؟ إحنا اللي غلطانين.. عشان بنقبل نسمع الكلام ده منهم.. جد غيرنا كان
زمانه بقى حاجة تانية
فتلة: يا عم يعني إحنا بإيدنا إيه نعمله ومعملنهوش.. انت ولسه متخرجتش.. وشكلك مش
هتتخرج.. وحتى لو أخرجت.. مش هتلاقى شغل وهتبقى زي علي كل قهوة شويه.. مرة
زبون.. ومرة صنايعي.. واحد شاي على بوسته وشيشة للمعلم عشان آخر اليوم تلاقى طقة
متشبعش.. وحتة حشيش كل أسبوع تنسبك نفسك شوية.. انت عارف أنا بشرب حشيش
ليه؟ مش عشان مدمن.. بس كل الحكاية إني بلاقي مخي هيتفكرت م التفكير فبشرب عشان
أتوه.. ولما بتوه بنسى.. ولما بنسى.. بحلم..
فتحي: يا بختك.. بتعرف تنسى.. انا بقي لو شربت جميع انواع المخدرات.. مبنساش.. خدني
جنبك..

(يجلس بجواره ليدخن معه)

فتلة: (يعطيه الشيشة) صباح الفل
فتحي: عارف؟ أنا مشكلتي في نفسي.. معذباني يا جدع.. مش سايباني في حالي.. كل شوية
توسوسلي في دماغي وتكرني معاها.. فاشل.. تافه.. جبان.. مش قادر على حاجة.. دا انت
يا منيل مش قادر تجييك بنطلون م الوكالة.. نفسي تعباني يا فتلة..
(يستمر فتحي في تدخين الحشيش...)

فتلة: يا عم وهو حد بيختار نفسه..؟
فتحي: (بحزن) أنا عارف ان نفسي مبتحبنيش.. ولو كان بإيدها.. ماكانيتش عاشت في جسمي
لحظة.. ليه حق نفسي.. ليه حق نفسي.. "ينتفض فجأة" عشان كده قررت انتحر.. تيجي
معايا؟

فتلة: ده على أساس إننا نازلين كارفور وراجعين تاني؟ انت اتسلطت ياض..؟ عايز تنتحر
عشان علينا إيجار سنتين؟
فتحي: (في عالم آخر) مش بس عشان كده.. انت ناسي ان لوزة فضالت عليا كماشة
العجلاتي.. حتي لوزة.. بروت فشري.. "صارخا" إحنا عايشين ليه يا فتلة..؟
فتلة: "بخوف" مش عارف

فتحي: شفت..؟ ولا أنا كمان عارف.. عشان تصدقني
فتلة: طب ده معناه إيه..؟ متأخذنيش يعني انا دماغي على قدي
فتحي: معناه إننا ملناش دور في الحياة.. وبما إننا ملناش دور في الحياة.. يبقى ننتحر.. إيه اللي
يجبرنا نعيش في الممرار ده؟
فتلة: لا يا حبيبي.. أنا ليا دور ودور مهم جدا.. أنا قهوجي قد الدنيا وبخدم الناس.. عناب ياض
يا فتلة.. حاضر.. كباية فاضية يا بارد.. من عنيا.. يبقى أنا ليا دور ولا لأ؟ ليا دور ولا لأ؟
؟

فتحي: اه.. كده ليك دور.. دور اللي بياخدوا على قفاهم.. بس انا مش زيك.. ومش هأخذ على
قفايا.. وهنتحر

فتلة: (يبدوا انه في عالم اخر) ياللا.. ربنا يوفقك.. بس هو فيه حاجه.. هو انت لما تنتحر.. مين
اللي هيدفع إيجار السنتين؟

فتحي: فتلة.. أنا مش فاضيلك دلوقتي.. حس بيا بقي.. بقولك هانتحر.. انت مبتفهمش..؟

فتلة: وافهم ليه..؟ ما أنا كده كويس.. وآخر مزاج

فتحي: يا بختك بدماعك.. نهايته يا فتلة.. أنا خلاص هنتحر.. مش عايز حاجة؟

فتلة: لا ربنا يخليك يا خويا.. خللي بالك انت بس من نفسك.. وابقى اسأل.. رنات بقى وميسدات
وكده.. ولو قابلت أبو لهب.. أبو قوله ليك شوقه يا غالي

فتحي: (ينظر إلي فتلة بملل) عارف يا فتلة.. اهم ميزة في الانتحار.. اني هخلص من واحد
زيك.. فين ازازة السم..؟

فتلة: واحنا عندنا سم..؟

فتحي: السم بتاع الفيران

6 / 26

فتلة: انت اتسلطت مش كده..؟ والله أنا لو اعرف إن الهباب ده هيعمل فيك كده ماكنت خليتك شربته...

فتحي: ايه ده ؟... انت مش شايفها ولا ايه..؟ ايه.. بص بتبصلي ازاي..؟
فتلة: طب اهدي.. اهدي ربنا يهديك
فتحي: يا فتلة انت عايز تجنني..؟ ايه يا أخي.. ايه..
(بيدوا أن فتلة لا يراها بينما تشير لفتحي...)

فتحي: الحق... دي بتشاورلي...
فتلة: بتشاورك..!! طب قوم روحلها شوفها عايزه ايه..؟
فتحي: لأ قوم روحلها انت...
فتلة: انت مش بتقول روحك..؟
فتحي: آه

فتلة: خلاص قوم روح لروحك..
الروح: تعالي يا فتحي..
فتحي: دي بتندھلي..
فتلة: (ناظرا للحشيش) النوع ده غريب قوي.. التأثير بتاعه في مينت الروح: قولتلك.. تعالي يا فتحي... بدل ما أجيبك غصب عنك..
فتحي: عايزه ايه..؟

الروح: تعالي عشان نتفاهم..
فتحي: نتفاهم علي ايه..
الروح: ليه كنت عايز تموتني..
فتحي: أموتك..؟ وأنا أعرفك منين عشان أموتك... أنا كنت عايز أموت نفسي..
الروح: طب ما أنا نفسك يا اهيل.. عايز تموتني من غير ما تاخذ رأيي..
فتحي: اخذ رأيك في ايه..؟ هو انا كنت هاروح اطلب ايدك من ابوكي..
(ينظر فتلة الى فتحي ثم الى الشيشة...)

فتلة: "للشيشة" يا خيالك .. ؟ "متكهما" هايروح يطلب ايديها.. ويمكن كمان شوية يجي يقوللى شوفك مكان تاني يا فتلة عشان المدام متضايقه من قعدتك معانا
الروح: انت بتتريق يا فتحي..؟ ماشي.. ع العموم... أنا روحك وانفصلت عن جسمك.. ومن هنا ورايح هتفضل جسم من غير روح... عقابا ليك... وشوف بقي هتموتني ازاي... سلام يا حلاوه

(تهم بالانصراف فيجذبها بقوة)

فتحي: استنتي... رايحه فين... هو بالساهل كده ؟
الروح: رايحه اشوف حياتي... وأتمتع بيها... بلا قرف..
فتحي: قرف..؟ الله يرحم.. الله يرحم ساعة ما كنت بتفضلني تحلمي تلبسي بنطلون جينس م الوكالة.. فاكركه ولا ناسيه..؟

فتلة: ايه ده.. هما لحقوا يتخانقوا..؟ "ناظرا للشيشة بسعادة" اموت في الخيال السريع
الروح: كانت أيام بقي.. ربنا ما يرجعها تاني.. وع العموم خلاص... أنا رايحه اشوفلي جسم تاني اعيش فيه.. احسن منك... يا معفن..
فتحي: أنا معفن..؟ شايف يا فتلة..؟ بتقول عليا معفن..
فتلة: هي مين..؟

فتحي: بقولك روعي..
فتلة: (ناظرا إلي الجهة الأخرى مدعيا رؤيتها) اخص عليك يا روحه.. كده تقولي عليه معفن..؟ دي اخرتها برضو.. ايه..؟ وأنا كمان معفن.. طب على فكرة انا مكنتش عايز امد ايدي عليك عشان خاطر فتحي.. بس بعد اللي قولتیه مش هسكتلك.. وياللا بقي ..
(يضرب الهواء بحذاءه..)

فتحي: (بعصبيه) انت بتعمل ايه..؟
فتلة: يا سلام.. هي الهرتله حلوه ليك ووحشة ليا..
الروح: باي باي يا فتحي..

(تنصرف الروح وتفر فلا يلحق بها فتحي فيصاب بما يشبه الهستيريا...)
فتحي: الحق..دي مشيت..
قتلة: يالا في داهية..والله لأجيبك ست ستها..تعالى بس اقعد وكمل حجر الخيال العالى ده معايا
فتحي: انت بتقول ايه..انت عارف يعني ايه روجي تسبيني وتمشي..يعني هعفن يا قتلة
قتلة: طب ما انت طول عمرك معفن ايه الجديد ؟
فتحي: الجديد اني هبقي عايش وميت في نفس الوقت...
قتلة: طب اهدي..
فتحي: هبقي جسم من غير روح..يعني لا حي ولا ميت
قتلة: معلىش غمة وتروح
فتحي:يعني مش هعرف أكل ولا اشرب
قتلة: وانت كنت بتاكل امتي بس ؟
فتحي:يعني بقيت ولا حاجه أنا بقيت ولا حاجة... "صارخا" ..يا ناس..يا عالم..انا بقيت ولا حاجة
صوت : ما تنام يا ض انت وهو مش عارفين ننام الله يخرب بيوتكم
قتلة : (للصوت) ما تنام يا عم حد ماسكك؟(لفتحي) اهدى بقى يا عم هتلم علينا الناس
فتحي:"مذعورا" انت مش حاسس باللى انا فيه..انا بقيت جسم من غير روح .. جسم من غير
روح..ااه..شايف ؟ مفيش دموع بتنزل منى..
قتلة : ازاي يعني..
فتحي: ازاي ايه..؟ انا بعيط دلوقتي
قتلة: انت كده بتعيط..؟ تصدق مش باين عليك..
فتحي: عشان تعرف..(بهستيريا) روجي طلعت مني وهربت..روجي هربت مني يا ناس ..
روجي هربت مني يا ناس
(تطل لوزة برأسها من الشباك الخلفي)
لوزة: اقعد طول الليل عيط..والله ما انا معبراك
(تختفي مرة اخري...)
قتلة : اااااااااا..انت عامل الدوشة دي كلها عشان لوزة..؟
فتحي: لوزة مين..؟ (باكيا) حد يفهمني بقى حرام عليكم ..حرام عليكم..حرام..
(يرتمى على الأرض بهستيريا)
فتحي:اااااااااا..
(ينهض مرة اخرى)
فتحي: برضو مفيش دموع بتنزل

((المشهد الثاني))

● تفتح بؤرة في المنتصف يظهر فيها فتحي جالسا علي كرسي يهذي وبجواره قتلة و د/
شاهين وهو محضر أرواح شهير
قتلة: اهو من ساعة ما حصله اللي حصل وهو مفيش حاجة علي لسانه غير روجي راحت
منى..مش حاسس بطعم الأكل مش قادر أنام ... لغاية ما جتله الهستيريا اللي بتجيله دي
شاهين: بسيطة..ومحلولة إنشاء الله
قتلة: بجد ؟ دا أنا دوخت معاه..جبتله مشايخ ودجالين ومشعوذين وخليت خالتي أم هدى تبخره
بكل أنواع المخدرات ولا في حاجة نافعة معاه
شاهين:لا..بس أنا الدكتور شاهين.. أعظم محضر أرواح عرفته البشرية...انت مسمعتش عني
ولا إيه؟ دا أنا اللي حضرت روح هتلى في الحرب العالمية
قتلة:"بانبهار" عالمية ؟
شاهين: وروح نابليون في الحملة الفرنسية..
قتلة:"بانبهار" فرنسية..
شاهين: وروح الأسكندر في اسكندرية
قتلة:"بانبهار" اسكندرية ؟

شاهين: وروح امك في باب الشعرية
قتلة: ياااااااه.. دا انت علي كده متمكن
شاهين: طبعا يا ابني...
قتلة: طب شوفولنا وحياء امك لاحسن من ساعة الحالة دي ما جاتله وأنا مش عارف اتعني
علي تعميرة
شاهين: اوكي.. (لفتحي) خليك معايا يا ابني...وقوللي..روحك راحت فين؟
قتلة: وهو لو يعرف روحه راحت فين كنا جبنالك ليه؟
شاهين: (بعصبية) أرجوك بلاش مداخلات..لو سمحت..
قتلة: خلاص...أديني سكت
شاهين: قوللي يا ابني...روحك راحت فين؟
فتحي: مش عارف..الله جاب..الله خد..الله عليه العوض
شاهين:لاه..واضح إن حالته اتأخرت ع الآخر...
قتلة: ليه انت كنت قائلها تيجي الساعة كام؟
شاهين: احنا هنهزرر..؟ اخلص وقوللي اسمه ايه
قتلة: فتحي..فتحي السيد علي
شاهين: اوكي...إحنا دلوقتي هنعمل سيرش عن روحه في العوالم يمكن حد يدلنا عليها
قتلة: سيرش عن روحه ؟!!..هيه عملت اكونت عالفيس..
شاهين: قولتلك بطل مداخلات وسبيني اشوف شغلي
قتلة: خلاص يا عم شوف شغلك..
((يضع شاهين يده علي عينيه ثم يزوم وسط اندهاش قتلة))
قتلة: إيه يا عم انت راكب موتسيكل؟
شاهين:(بلا مبالاة) جاويش يا جاويش..روح دور علي روح فتحي م الساحل الشمالي للعريش
وأوعي ترجع تقوللي مفيش..شيش شيش..انشالله تعيش
قتلة: شيش شيش؟ هو الأخ بتاعك ده بيلعب طاولة..
شاهين: "ناظرا في الهواء" إيه..بتقول إيه..؟ روح عاصيه ومتمردة ؟ يعني إيه..؟ رفعت قضية
خلع وكسبتها ؟
قتلة: الواطيه...
شاهين: (لفتلة) شفت..أدي آخرتها رفعت قضية خلع من جسمه وكسبتها
قتلة: طب وبعدين..الواد هيفضل علي كده؟
شاهين: لأ..هو فيه حل تاني
قتلة: طب ما تقول يا عم ساكت ليه..
شاهين: (مفكرا) إحنا ممكن..لأ..لأ..مش هينفع...لأ..ممكن ينفع..لا لا مش هينفع..طب لو..اه
ممكن ينفع
قتلة: ما تقول يا عم انت هتدلنا ؟
شاهين: إيه رأيك لو شوفناله أي روح تانيه..
قتلة: روح تانية؟
شاهين: خرج يعني
قتلة: خرج!!
شاهين: استعمال نضيف
قتلة: استعمال نضيف ايه..؟ انت دكتور أرواح ولا بيع في سوق الكانتو ولا إيه حكايتك
بالظبط؟
شاهين: (بعصبية) لو سمحت..احترس من كلامك..
قتلة: احترس من كلامي ازاي..؟ يعني اقوله وارجع استخبي منه..
شاهين: ع العموم براحتك أنا كنت عايز احل المشكلة بس انت اللي مش عايز..سلاموا عليكم
(يهم بالخروج فيستوقفه قتلة..
قتلة: لأ استنتي أنا في عرضك..خلاص أنا متأسف .. حل المشكلة وشوفله أي روح..خرج
خرج..بس استتضف وحياء امك .. يعني حاجة تكون استعمال طيب

شاهين: خلاص...ارجوا الهدوء..((يقوم ببعض الألاعيب أمام وجه فتحي وهو يتمتم ببعض الكلمات)) معطلوش بطرقوش مشربوش محبوش مشفتوش..هيا..هيا أيتها الروح .. ادخلي جسد...جسد..

فتلة: فتحي..فتحي السيد علي

شاهين: اسكت انت..أنا اللي أقول...ادخلي جسد فتحي السيد علي

(ينتفض فتحي ثم يخرج منه ضحكة انثوية...)

فتحي: (بصوت نسائي) يا مساء الورد..مين اللي بينده

شاهين: أنا الدكتور شاهين..عرفينا بنفسك ايتها الروح

فتحي: أنا زوبه..زوبه اللهلوبة..والليلة معايا بنص ريال والدفع قبل ما نتحرك شبر..ها قولت إيه ؟

فتلة: إيه يا عم انت جابيله روح من شارع الهرم ولا إيه..؟ لا..إحنا عايزين روح محترمة..علي

آخر الزمن هتلبسه روح واحد كده و كده..

فتحي: (بروح زوبه) اخرس جاك قطع لسانك..دا أنا اشرف م الشرف..

فتلة: آه.. بأمانة الليلة بنص ريال..

فتحي: واد انت..هتلم لسانك ولا اشيشلك؟

فتلة: دي طلعت بجحه كمان...لا يا عم شوفلنا روح مؤدبه..البلد مش ناقصة..

شاهين: اوكي..روحي يا زوبه مع ألف سلامه..الروح اللي بعديها تخش..

فتلة: انت موقفهم طابور ولا إيه..؟

شاهين: بس..الروح الثانية دخلت...عرفينا بنفسك ايتها الروح

فتحي: (بصوت خشن) كاظم بيه .. واحد من أهم عملاء المافيا في عز مجدها..

فتلة: بس..الروح اللي بعدها تخش

فتحي: "بروح كاظم" وانت مين اللي قالك تتكلم قدامي يا جربوع..أنا كاظم بيه بأشاره واحد مني امحك من علي وش الدنيا..فاهم يا بابا؟

شاهين: متشكرين يا كاظم بيه..أفضل روح مع ألف سلامة..اللي بعده..(لفتلة) إياك تتكلم في وجود الروح انت فاهم..؟

(يرقص فتحي فجأة على انغام موسيقى غربية وعلى ما يبدو انه تلبسته روح شاب راقص...)

فتحي: (بصوت رومانسي) هاي جايز..واتس اب..؟

شاهين: "وهو يتراقص مع فتحي" هاي روح..عرفينا بنفسك

فتحي: رامي..واسم الشهرة..روميو..حد يعرفني..؟

فتلة: (لشاهين) لا يا عم دا مايع قوي..دا أبوه لو شافه كده هيخلص عليه..؟

شاهين: وهو مين اللي هيقل لأبوه؟

فتلة: مرات أبوه

شاهين: آه..فهمت..بس مين اللي هيقل لمرات أبوه..؟

فتلة: لا..مرات أبوه دي تعرف القرد مخبي ابنه فين...

فتحي: ما تخلصونا يا جماعة..الجو هنا حر قوي..اف جدا..اف قوي..اف بشكل فظيع

شاهين: اوكي..متشكرين يا روميو..مش هتنتفع..فتحي طلع فيه مشاكل بين مرات أبوه والقرد..مع الف سلامه..الروح اللي بعدها تخش

فتحي: (بصوت قوي)..اشطه يا ناس..بندرج التماسي..مين اللي بينده على سيد أبو مواس

شاهين/فتلة: "بذهول" مين ؟

فتحي: "يجري خلفهم" إحنا هنتديها غياب من أولها ولا إيه..؟ ما أنا قلت سيد أبو مواس .. يعني اكبر هجام فيكي يا باطنية..يعني خمسة وستين قضية قتل..واربعين قضية مخدرات..وتلاتة وعشرين قضية حيازة سلاح..منهم واحدة صواريخ بستله روسي..وقضيتين اغتصاب..مجالمة لواحد صاحبي..

فتلة: (لشاهين) وعمال تقوللي حضرت روح نابليون وهتلر والأسكندر..مين دول يا عم ..؟

شاهين: إيه مش عاجبك..؟ مش كفاية إنني عايز احل مشكلة الغلبان ده؟

فتلة: آه..تحل مشكلته بواحدة عالمه أو واحد م المافيا وأخرتها جابيلي واحد هجام م الباطنية..لا يا عم يفتح الله مش عايزين..مشي الروح دي ورجعلي فتحي ذي مكان..

شاهين: يا ابني..افهم
فتلة: مفيش تفاهم..رجعلي صاحبي ذي ما كان...
شاهين: كده؟..ماشي..براحتك
فتلة: ايوه براحتني.. يا بتاع الأرواح الخرج والنص كم..
شاهين: "بعصيبة" كده..؟ ماشي
((يتمتم شاهين ببضع كلمات فيعود فتحي كما كان...))..
فتحي: هو إيه اللي بيحصل..
فتلة: ولا حاجة..متحطش في دماغك انت..انت كويس يا فتحي
فتحي: لاقيتوا روحي؟
فتلة: يا عم هي عيله تايهه وبندور عليها ؟
شاهين: أديني رجعت هولك ذي ما كان.. حاجة تانية..
فتلة: متشكرين مع الف سلامة..
شاهين: وأتعابي..
فتلة: أتعاب إيه..؟ دا انت بوظت الواد مش عالجته..
شاهين: لا.. أنا اتفقت مع الست أم هدي إني أخذ أتعابي سواء خف أو لأ .. وبعدين انت اللي
رفضت الأرواح أعملك إيه؟
فتلة: أم هدي قالتلك كده..
شاهين: بالحرف
فتلة: طب تعالي وريني أم هدي قالتلك كده أزاى؟ (صائحا) يا أم هدي...
((يخرج فتلة مع شاهين من المسرح..يبقي فتحي وحده يهذي ثم يتحول فجأة إلي روح
زوبة..))
فتحي: (ضاحكا) وضحكنا عليهم مخرجناش.. (بروح كاظم)..ما تنسيش يا زوبة إن ده كان
تخطيبي..أنا..(بروح روميو) نايس تريك.. حركة بيس جدا مستر كاظم..(بروح سيد)
أخيرا يا جدعان الواحد لاقاله جسم يعيش فيه..بس براوه عليك يا كاظم بيه طلعت ابن
جنية بجد..(بروح كاظم) متشكر يا سيد (بروح زوبة) ايوه كده خللي الواحد يرجع للدنيا
تاني..
((يعود فتحي إلي شخصيته صارخا...))
فتحي: آه..إيه اللي بيحصلي ده...؟
(هنا يترك الخيال للمخرج في ان يجعل الارواح شخصيات تجسد علي المسرح او يجعل الممثل
يقوم بتلك الشخصيات ووجهة نظري كاكاتب ان الشخصيات تجسد علي المسرح وهذا ليكون
اسهل واعمق وليبين تفاصيل كل روح من الارواح)
زوبه: إيه...هنعيش في جسمك..مش أحسن ما تعيش من غير روح يا ننوس عين امك ؟
فتحي: تعيشوا في جسمي.. ازاي؟
كاظم: نعيش في جسمك اهو أحنا نستفيد وانت تستفيد..جسم من غير روح كان هيعفن..
روميو: وع العموم أحنا هنساعدك يا مان
فتحي: تساعدوني أزاى...؟
سيد: اقولك أنا ازاي..بص يا حلاوة أنا عليا احميك من أي حد..شغلتي بقى وأنا عارفها..
فتحي:يعني ايه تحميني..
سيد: خليك معايا يا حلاوه..العملية سهلة وبسيطة..يعني م الآخر..اى حد هيبصلك بصة مش
هيه..؟ هعرقهولك
- ادخال استعراض سيد..بعده تظهر السعادة على وجه فتحي
فتحي: بجد..؟ يعني بعد كده مش هخاف من حد..؟ حتي كماشة..
سيد: ولا عمرك بعد كده هتعمل حساب لأيتها حد..
فتحي: ياه لو ده حصل..
روميو: ومش كده وبس..دا انا عندي ليك مفاجأة تانية خالص..اى واحدة هتساور عليها هتكون
تحت امرك..

فتحي: تحت امرى..؟ طب ازاي..؟
روميو: بوسامتي ولباقتي وحركاتي..
- ادخال استعراض روميو مع الرقص
فتحي: يا سلام لو بتتكلم بجد..ويا سلام بقي لو أي رجل يسمع كلامي ويبقى اتخن شنب تحت طوعي
زوبة: من الناحية دي متقلش..سبب الموضوع ده عليا..
- ادخل استعراض زوبة
فتحي: كل ده هتعملوه عشاني..؟
كاظم: مش بس كده..دا انت ليك عندي مكافأه اجمد..مكافأة اسمها الفلوس..والنفوذ
-ادخال استعراض كاظم
فتحي: ماشي..ان كان على كده..فانا موافق..وفي داهية روعي..(صائحا) في داهية روعي
(يدخل فتلة يري فتحي يكلم نفسه....)
فتلة: يا نهار اسود..دا انت بقيت ملوخية خالص
فتحي: شوفت يا فتحي..هيعملولى اللى انا علوزه
فتلة: هم مين؟
فتحي: الأرواح....
فتلة: أرواح مين؟
فتحي: في أربع أرواح في جسمي مش بتوعي...و بيكلموني...
فتلة: يا سلام..؟
فتحي: و الله ذي ما بقولك...وهيعملولى حاجات كتير قوي..يعني اول حاجة هابقى قوي..
فتلة: (متعجبا) قوي..؟
فتحي: ايوه قوي..وعايز تشوف..انا هوريك..(مناديا) كماشة..انت ياض يا كماشة..انت ياد يا كماشة ياللى ملكش لازمة..
فتلة: لا..دا انت شكلك كده اتجننت بجد
فتحي:ياض يا كماشة ياللى بتاخذ علي قفاك..ولوزة بتتفرج على حاجات إباحية من وراك
-تدخل لوزة غير مصدقة ما يحدث..
لوزة:بينيلك .. انت قد الكلام ده يا وله..؟ انت عايزه يجيلك يفتحلك نفوذك ؟
فتحي: ولا عشرة زيه..انت ياض يا كماشة..
-يدخل كماشة..
كماشة:مين اللى بيلعب في عجلة عمرة وبيقوللى ياض يا كماشة من غير ايتها احترام..
فتحي:(لنفسه) اهه..هو ده يا استاذ سيد..وريله بقى..وريله..
- يتحول الى شخصية سيد
سيد: انا ياض..انا اللى بقول ياض يا كماشة..
كماشة: وانت قد الكلمة دي يا نجم..؟
سيد: اه..قدها ونص..خد ياه
-يضر به سيد فجأة..يترنح كماشة..تشهق لوزة..
كماشة:بت يا لوزة..
لوزة:نعمين يا سيد الرجالة
كماشة:صوتي يا بت..
-يسقط كماشة..تصرخ لوزة مع اندهاش فتلة..
لوزة: الحقيني يا امه..سيد الرجالة وقع..سيد الرجالة عرشه انهده..
- تدخل ام ريعو لا تصدق ما حدث..
ام ريعو:ايه اللى حصل يا بت..
لوزة: المفترى..استقوي القلب عليه وضربه يا امه..
ام ريعو: ضربه..؟
لوزة: وطرحه ارضا يا امه..خده "بادي سلام" يا امه
ام ريعو: ده..؟

سيد: اه ده..ومن هنا ورايح..الحارة دي ملهاش غير كبير واحد..هو انا..واللى عنده كلام تاني
بيجي يوريني نفسه..حد عنده كلام تاني..؟
ام ريعو:(في خوف)لا يا خويا..دا انت طول عمرك كبير..كبير قوي كمان..وبتاخذ اى حد بادي
سلام..مش كده يا بت لوزة..؟
لوزة: هه..؟ اه..كده يا امه..
فتلة:(مهلا)يبقى اسم الله عليه اسم الله عليه...
- تهلل ام ريعو ولوزة خلف فتلة..
الجميع: اسم الله عليه اسم الله عليه

(المشهد الثالث)

(تفتح الأضواء على فتحي وحيدا وفي يده زجاجة خمر وقد تقمصته الأرواح الأربعة ويبدو
انهم يخططون لشيء ما..)
كاظم: اسمعوني كويس يا جماعة..بما اننا هنعيش في جسم فتحي..فلازم نعرف ازاى نتكيف
سيد: صح..نتكيف يا زعيم..امال انا جبت الازازة دي ليه..؟ عشان نتكيف ونظبط الدماغ
كاظم: نظبط الدماغ..؟ لا يا حبيبي..انا مش قصدي بتكيف يعني نظبط الدماغ..انا قصدي
نتكيف..بتأكد" نتكيف
روميو: فهمتك يا مان..انت قصدك نركب تكيف..فعلا دي حاجة "امبور تانت" عشان الجو هنا
"فيرى هوت"
كاظم:"بضيق" برضو لأ .. انا مش قصدي نركب تكيف يا روميو..انا قصدي نتكيف على
الأوضاع الجديدة
(تشهق زوبة بفزع)
زوبة:"بفزع" هيه فيه اوضاع جديدة ظهرت بعد ما مت..؟
كاظم: هو هو هو هو هو..كثير..وبالذات اوضاع الناس اللي هنا..اوضاعهم كلها غريبة و
متشقلبه..غير اللي الأوضاع اللي كنا نعرفها زمان
سيد: طب والشقلبة دي هتضرنا في حاجة ولا مؤاخذه..؟
روميو: طبعا..مش هنتقى واخد راحتك
زوبة: لا لا لا..مدام هنعيش في اوضاع جديدة..يبقى لازم ناخذ راحتنا..وع الآخر
كاظم: صح..كل اللي قولتوه صح..احنا لازم ناخذ وضعنا..لازم نسيطر..لازم بيقلنا الكلمة
العليا..وفي نفس الوقت..منغلطش الغلطات اللي موتتنا زمان..واندنا بسببها..فاكرين..؟
سيد:"بضيق" بتقلب علينا المواجه ليه يا بوص؟
كاظم: عشان نفضل فاكرين ومننشاش..ان الفرصة دي مش هتتعوض تاني..دي فرصة جاتلنا
على طبق من فضة..وانا عن نفسي..مش مستعد اخسرها
(تدخل لوزة فجأة)

لوزة: هيه مين دي يا فتحي
(يتنحج كازم فيتدخل روميو ويترك زجاجة الخمر ويتجه للوزة ويمسك بيديها برقة...)
روميو: انتى يا روجي
لوزة:"بسعادة" بجد؟ روحك حتة واحدة؟
روميو: لأ .. هما اربع حتت ..فيه ثلاثة تانيين..بس ...
(تتحشرج انفاس روميو فجأة ويتدخل كازم هامسا)
كاظم: "هامسا بعصبية" هتودينا في داهية يا غبي
روميو: "هامسا" سوري يا جماعة نسيت..سوري سوري سوري
لوزة: فيه ايه يا فتحي..؟
روميو: فيه انى حبك..فيه انى مقدرش استغنى عنك..فيه ان ...الكلام ده عاجبني قوي و ينفع
اغنية لمحمد حماقي
لوزة:"بكسوف متصنع" للدرجادي يا فتحي..؟
روميو: واكثر..عارفه يا لوزة..انا اول مرة..
(تتنهد لوزة بهيام شديد وتتنظر بعينيه)

لوزة: "بهيام" هاااااااا

(يحدق روميو بعينيهما باستغراب)

روميو: اعرف ان انتى حولة.. بس بجد.. ريلي.. كان نفسي من زمان.. اجرب و ارتبط بواحدة حوله.. "اتس فيري بيوتيفول"

لوزة: بجد عايز ترتبط بيا..؟

روميو: شور.. انتى بنت جامده طحن

لوزة: جامدة ايه..؟

روميو: طحن

لوزة: انت قديم قوي يا فتحي.. طحن دي كانت زمان.. دلوقتي اسمها جامده كيك..

روميو: اوه نو..

لوزة: مالك؟

روميو: I can't believe

لوزة: فيه ايه..؟

روميو: انتى مخدتيش بالك..؟

لوزة: من ايه؟

روميو: انتى بنت جامد كيك.. وانا شاب نايتي..

لوزة: "بسعادة" اه صحيح..

روميو: شوفتى التوافق..؟

لوزة: "بسعادة" الله ده حلو قوي..

روميو: طب ايه رأيك بما اننا طلع عندنا التوافق ده.. نحط الكيك بتاعك.. على الناييتي

بتاعي.. ونحتفل

لوزة: نحتفل ازاى يعني..؟

(يتجه روميو الى زجاجة الخمر ويحملها)

روميو: نحتفل.. يعني انا.. اجيب ازازة العناب دي.. واصبلك كاس .. وانا كمان كاس.. ونشرب

في صحة التوافق اللى ما بين الكيك والنايتي.. وخلي الشيبسي ياكل نفسه

(يعطيها الكأس فتشرب ثم تشعر بمرارة..)

لوزة: لأ مش هينفع

روميو: ليه بس..؟

لوزة: خايفة لامى تشوفني

روميو: خلاص.. ندخل جوه..

لوزة: يعني كده مش هنبقى لوحدا..؟

روميو: لأ طبعا مش هنبقى لوحدا

لوزة: هيبقى معانا حد..؟

روميو: اه.. محمد حماقي.. هنشغل شريطة الجديد

لوزة: وبعدين

روميو: وبعدين نحتفل.. يالا يا لوزة بليز.. يالا يا حبيبتي ربنا يهديكي.. يالا بقى

(يدفعها لداخل الغرفة بينما يبتسم ابتسامة خبت متلفتا يمينا ويسارا ثم يعوي كالذئب ويدخل هو

الآخر مع دخول فتلة)

فتلة: فتحي.. فتحي...

(نسمع صوت اغنية محمد حماقي ..طب واحدة واحدة.. وبلاش كل ده.. يجي مرة

واحدة.. لاتجنن كده.. لو ده النظام معاك بالشكل ده.. مقدرش عليك)

فتلة: واحدة واحدة..!!! فتحي..

(يهم فتلة بالدخول الى الغرفة فيخرج اليه فتحي مسرعا وقد تقمصته روح سيد)

سيد: ايه يا بارد عامل دوشة ليه

فتلة: انت اللى فين وتعمل ايه جوه.. انت معاك حد ؟

سيد: هه؟ اه..

فتلة: مين..؟

سيد: محمد حماقي
فتلة: "بسعادة" محمد حماقي جوه؟ ..طب انا عايز اشوفه..
سيد: خد هنا ومتاكلنيش في الكلام..فين الحاجة..
فتلة: اه صحيح..خد اهه
(يخرج له فتلة قطعة حشيش فيأخذها سيد ويشمها)
سيد: وريني كده..؟ منين الحشيش ده ياه
فتلة: من عند الكلب..
سيد: كلب مين ياه..
فتلة: رشدي الكلب..اكبر تاجر مخدرات في الدائرة..
سيد: اااااه..رشدي الكلب..مش الواد ده كان صبي المعلم حتاتة..
فتلة: واد مين..؟ ده بقى معلم قد الدنيا دلوقتي .. بعد ما المعلم حتاتة مات
سيد: "مفروعا" مين..؟ المعلم حتاتة مات..
(يتدخل كاظم في الحوار)
كاظم: "هامسا" ما احنا اللي قتلناه يا بقف..
سيد: اه صحيح..
فتلة: هو ايه اللي صحيح..
سيد: الحشيش ده..
فتلة: مالو؟
سيد: مضروب..
فتلة: مضروب ؟!!! ومين اللي ضربه..
سيد: الكلب..
فتلة: لا لا لا..مش صح..الكلب يعض الحشيش اه..لكن يضربه..لأ
سيد: يا فتلة الكلب بيعش الناس وبيبيع لهم حشيش مضروب
(يتدخل كاظم)
كاظم: الناس ميقاش عندها ضمير
فتلة: طب ما احنا طول عمرنا بنشربو كده
كاظم: "محتدا" لا يا حبيبي..ده كان زمان..ايام الديكتاتورية..والتخلف ..والجهل..اما
دلوقتي..فاحنا في بلد حر وديموقراطي..
فتلة: طب ايه اللي دخل السياسة في الحشيش..
كاظم: السياسة مرتبطة ارتباط وثيق بالحشيش..وتقدم الدول بيتعرف من نوعية المخدرات اللي
بيشربها الشعب..ووجود النوعية دي في ايد المواطن الكادح تدل اننا لسه متأخرين قوي
عن العالم المتقدم
فتلة: طب ايه..
كاظم: اسمع يا فتلة..لو احنا بنحب بلدنا صحيح..يبقى لازم نوعية الحشيش دي تختفي من البلد
.. ويظهر مكانها نوعية تانية بوجودة اعلى
فتلة: بوجودة اعلى..؟!!! قصدك حشيش يكون حاصل على شهادة الأيزو ؟
كاظم: لأ..حشيش حاصل على شهادة العيال البايطة في الديسكوهات..
فتلة: طب وده نعملو ازاى..
كاظم: بكل بساطة..هنستورد احنا مخدرات من بره..ونبييعها بسعر اقل من سعر الكلب..عشان
نضربه في السوق..ونعمل زبون لينا
فتلة: "بفرع" ايه ده..؟ قصدك نبقى تاجر مخدرات
كاظم: اه تاجر مخدرات..ولما تبقى تاجر مخدرات..هيبقى معاك فلوس..ولما يبقى معاك
فلوس..هتعمل كل اللي نفسك فيه..ومش بعيد ترشح نفسك للبرلمان..
فتلة: البرلمان..
كاظم: او انتخابات الرئاسة..ايه ؟ بفلوسنا..فتصور نفسك كده وانت رئيس دولة..الشعب كله
بيهتفلك..فتلة فتلة يا مخيطنا..محدث غيرك هيظبطنا

(نرى مجموعة من الناس يدخلون تباعا وفي ايديهم بعض اللافتات بينما يتخذ فتلة شكل المرشح
الرئاسي وكأنه يعيش الحلم الذي رسمه له كاظم..)
المجموعة: "بهتاف" فتلة فتلة يا مخيطنا محدش غيرك هيظبطنا..
(يشير فتلة لهم بالتوقف..)
فتلة: شكرا شكرا.. ارجوكم.. بلاش هتاف.. انا راجل مش بتاع هتافات وشعارات.. انا راجل منكم
وليكم.. ورشحت نفسي النهاردة علشانكم.. علشان احقق مطالبكم.. مطالب المواطن
الكادح البسيط.. وصدقوني.. اول ما يتم انتخابي.. هحل كل مشاكلكم واولها القضاء على
ظاهرة طابور العيش
فرد: ازاي يا ريس
فتلة: هه؟
فرد: ازاي..؟
فتلة: هنقل كل افران العيش.. ولما هنقلها.. مش هيبقى فيه طوابير قدامها..
الفرد: فتلة فتلة يا مخيطنا محدش غيرك هيظبطنا
المجموعة: فتلة فتلة يا مخيطنا محدش غيرك هيظبطنا
(يخرجون تباعا من المسرح وهم يهتفون ويبدوا ان فتلة قد اعجبه هذا الحلم..)
كاظم: ها ..؟ ايه رأيك يا فتلة..؟
فتلة: لأ جامد.. بس ينفع امسك اتحاد الكورة بالمرة..
كاظم: ليه..؟
فتلة: عشان اشطب الأهل م المسابقة والزمالك هو اللي ياخذ الدوري
كاظم: حبيبي لو عاوز تمسك الفيفا همسهكولك.. وبالمرة نخلى مصر تخش كاس العالم بالتزكية
فتلة: الله عليك.. الله عليك.. و مدام كده انا موافق..
كاظم: اوك.. انا عايزك دلوقتي تسمع كلامي وتركز..
فتلة: "بعصبية" ماشي انا مركز اهه..
كاظم: هو ده التركيز بتاعك..
فتلة: اه..
كاظم: طيب.. بص بقي.. انا عايزك تروح ترب الغفير.. تسبب اول تربة.. وتاني تربة.. وتالت
تربة.. شمال في يمين.. بعد كده هتلاقي نفسك خرجت م الترب خالص.. تروح راجع
تاني م الأول.. تسبب اول تربة.. وتاني تربة.. وتدخل على تالت تربة..
فتلة: طب وليه الدوخة دي كلها..؟
كاظم: عشان لو حد مراقبك يتوه
فتلة: ماشي ماشي
كاظم: بعد ما تدخل تالت تربة.. هتلاقي الضريح بتاع المعلم صلاح ابو ضب.. ده الأب الروحي
لتجار المخدرات.. عايزك تقف قدامه كده باحترام ومتقر الوش الفاتحة.. عشان كان معفن
وواطى
فتلة: ماشي وبعدين
كاظم: تعد ثلاث خطوات وتحفر.. هتلاقي شنطة .. تجيبها وتيجي.. واوعى حد يشوفك..
فتلة: طب هيه الشنطة دي فيها ايه..؟
كاظم: ايه الغباء ده..؟ بقولك اول تربة وتاني تربة شمال في يمين ومش عايز حد يشوفك يبقى
هيكون فيها ايه..؟
فتلة: المنشورات بتاعة تغيير مواد الدستور..
كاظم: لأ يا فالح.. فيها مخدرات..
فتلة: هه.. عايزيني انا .. اشيل شنطة مخدرات..؟
كاظم: مش عايز تمسك اتحاد الكورة والزمالك ياخذ الدوري..
فتلة: اه..
كاظم: يبقى تشيل..
فتلة: خلاص اشيل.. سلام..
(يخرج فتلة بينما على صوت ام ريعو من الخارج....)

صوت ام ريعو: بت يا لوزة.. انتى يا بت..
 (تدخل ام ريعو...)
 ام ريعو: فين لوزة يا فتحي..؟ الوله كماشة قاللى انه شافها داخله عندك..
 (يتحول فتحي الى روح روميو...)
 روميو: بصي يا ام ريعو.. لو بتدوري على لوزة.. فأكيد مش نايمه جوه عندي
 ام ريعو: ايه..؟
 روميو: اصلها لو نايمه جوه.. وانتى جيتي دلوقتى.. تبقى مصيبة..
 ام ريعو: مصيبة ايه..؟
 روميو: "يصيح بصوت مرتفع" اصل الكيك اللى حصل جوه مع الناييتى.. مش لازم حد
 يعرفوا.. وبالذات انتى يا ام ريعو.. عشان انتى مبتحبش الكيك ولا الناييتى.. انتى سمعاني
 يا ام ريعو.. يا ام ريعو
 ام ريعو: انت بتزقق ليه..؟
 روميو: عشان تسمعني..
 ام ريعو: هيه مين..؟
 روميو: وداني.. اصل انا جالى طرش في وداني.. "صارخا" فلانم ازق عشان ودانى
 تسمعنى..
 ام ريعو: طب ما انا سمعاك خلاص.. قوللى بقى لوزة فين..؟
 (يتحول الى روح زوبة التى تتصنع البكاء..)
 زوبة: لوزة ياختى جاتلى.. ويا ريتها ما جاتلى
 ام ريعو: ليه حصل ايه..؟
 (تأخذ زوبة من يدها لتلفت انتباهها عن لوزة التى تخرج من الغرفة وتتسحب لتخرج من
 الناحية الأخرى..)
 زوبة: هيه جاتلى من هنا.. ونزلت عياط من هنا..
 ام ريعو: عياط؟!!
 زوبة: كانت مفحومة م العياط يا عين امها..
 ام ريعو: ليه..؟
 زوبة: قال ايه.. انتى مش عايزة تجوزيها الواد كماشة.. ومصممة تجوزيها.. فكانت جاية
 تشتكلي
 ام ريعو: لوزة عايزة تتجوز كماشة..؟
 زوبة: اه.. وانا وعدتها انى اقنعك تجوزيها.. اصل بيني وبينك.. الشيطان شاطر.. وكماشة
 شاب.. والبت حلوة ولونة.. فنجوزهاو بدل ما تقع الفاس في الراس.. اهو على الأقل
 تقضي لنفسك شوية.. وتتمتعى بحياتك.. وتشوفيلك حد يقدر قيمتك وتجوزيه..
 (يدخل احد الأشخاص "ابو تامر" فتنجيه اليه ام ريعو وكأنها تتخيل ما تحكيه زوبة..)
 زوبة: تلعبوا مع بعض.. تناغشوا بعض.. تقولوا كلام حلو لبعض
 ابو تامر: بتحبيني يا ام ريعو..
 ام ريعو: اوي يا ابو تامر..
 ابو تامر: طب وابو ريعو.. مبتفتكريهوش
 (تنظر ام ريعو تجاه فتحي وكأنها تريد اجابة على سؤال ابو تامر..)
 زوبة: الحى ابقى م الميت
 ام ريعو: صح.. الحى ابقى م الميت.. المهم ام تامر
 ابو تامر: ام تامر ايه.. وتامر مين..؟ ريعو هو اللى يكسب.. ريعو هو الكنج..
 ام ريعو: بجد يا ابو تامر..؟
 ابو تامر: طب وحياة تامر ذي ما بقولك كده
 زوبة: طب اسبيلك انا بقى مع خيالك
 ام ريعو: طب لو عندك حاجة لحماقي شغلهاالى بالمره شالله تكسب
 زوبة: من عنيا

(نسمع اغنية رومانسية لمحمد حماقي "مش معقول" بينما ترقص ام ريعو مع ابو تامر مع اظلام تدريجي...)

((المشهد الرابع))

-تفتح الأضواء على فتحي الجالس مع لوزة

فتحي: وبعدين..؟

لوزة: وبعدين خليتها نايمه ورحت صاحبة منها الفلوس دي وجايبها لك.. امسك (تعطيه بعض النقود..)

فتحي: ايه ده..؟ فلوس..؟ بتسرقي امك عشاني..؟

لوزة: وانا ليا حد غيرك يا نيني القلب من جوه ؟

فتحي: "بروح زوبة" ومعرفتش تسرقي غير دول بس..؟

لوزة: اللي عرفت اسرقه.. المهم ينفعوا في جوازنا.. امي مصممة اتجوز كماشة معرفش ليه.. انت مش هتفاتحها

(يسعل فتحي بشدة)

لوزة: مالك.. هو انا كل ما اجيبك في سيرة الجواز تشرق؟

فتحي: لا ابدأ.. اصل حكاية الجواز دي لسه بدري عليها حبتين

لوزة: (صارخة) ايه..؟ هو ايه اللي لسه بدري عليه.. بدري من عمرك يا حبيبي.. انت مش دريان بمصيبتك ولا ايه..؟ لا.. اتعدل ياله بدل ما اعدك.. انت ناسي الليلة اياها..؟

فتحي: انهي..

لوزة: (بلهجة حزينة) الليلة اياها.. لما اتحولت لذئب بشري.. وكانت عنيك ذي كاسات الدم والنظرة كانت بتمطر والرعد كان صوته ببسد الودان..

فتحي: ايه فيلم الرعب ده ؟

لوزة: ساعت ما قعدت اتحايل عليك وانا بصرخ واقولك حرام عليك بلاش.. بلاش.. "تقلد محمد حماقي" طب واحدة واحدة.. وبلاش كل ده.. يجي مرة واحدة.. لاتجنن كده.. لو ده النظام معاك بالشكل ده.. مقدرش عليك.. "بحزن" وكان اللي كان.. ومن ساعتها وانا..

فتحي: الله يخرب بيتك يا روميو الكلب

لوزة: كل ده.. وبتتشرق لما بجيبك سيرة الجواز.. مش حرام عليك بنت زي القمر زي.. تعمل معاها كده؟

فتحي: لوزة.. انا عايز اقولك.. انه فيه حاجة انتي مش واخده بالك منها

لوزة: حاجة ايه..؟

فتحي: "باكيا" والمصحف ما انا اللي عملت كده

لوزة: امال مين اللي عملها..؟ خيالك..؟

فتحي: بالظبط.. اهو هو حاجة كده ذي خيالي..

لوزة: لا.. دا انت بستعبط.. فاكروني هاكل م الشويتين دول..؟ لا دا انت متعرفنيش دا انا ممكن اجيبك عاليها واطيها..

- تدخل ام ريعو فجأة على صوت لوزة

ام ريعو: فيه ايه يا بت بتزعقي مع كبير الحته ليه..؟

لوزة: (متصنعة الأبتسامة) لا ابدأ يا امه.. دا احنا بنهزر.. مش كده..؟

فتحي: اه.. اه.. دا احنا بنهزر.. وبنلعب كمان

ام ريعو: طب روحي ياخوتي شوفي الأكل اللي ع البوتاجاز.. الراجل مكش م الصبح دا تلاقيه يا حبة عيني على لحم بطنه.. (تظل لوزة ناظرة الى فتحي لا تتحرك) ما تروحي يا بت متسمة كده ليه..؟

لوزة: حاضر.. اديني رايحة..

(تخرج لوزة.. تراقبها ام ريعو حتي تتأكد من مغادرتها.. تذهب الى فتحي مسرعة.. تخرج منديلا وتعطيه لفتحي)

ام ريعو: يالا بقى قبل ما حد يبجي..

فتحي: ياللا ايه..؟ انتي كمان شوقتي فيلم الرعب اياه..؟

ام ريعو: رعب ايه..؟ انا جبنتك قطره اهه

فتحي: هو مين..؟
ام ريعو: هو مين..!! انت نسيت ولا ايه..؟ ابو تامر
فتحي: ابو تامر مين ..؟
ام ريعو: البقال!!
فتحي: ماله ؟
ام ريعو: ماله ايه..؟ انت مش قلتلي ان الراجل بيصلي في الرايحة والجاية وعينه مني..؟
فتحي: انا قتلتك كده..؟
ام ريعو: اه..ساعة ما شفتلى الفنجان..؟ بقمارة ما طلعتلى قلم روج من عبك واديتھوني وقولتلى انتي لسه صغيرة يا ام ريعو لازم تهتمي بنفسك..وتحطي مكياج..وتلبسي جينس وتسمعي محمد حماقي
فتحي:(يكاد يجن) روج وطلعته من عبي..ومكياج ومحمد حماقي..الله ينور يا ست زوبة..الله ينور
ام ريعو: واديني جبتلك القطر بتاعه اهه..ومش هو صيكت..هروح بقي لحسن البيت لوزة تستعوقني..عايزه عمل م اللي هو..
- تخرج ام ريعو مسرعة..يصاب فتحي بهيستريا..
فتحي:كل ده تعملوه من ورايا..؟
سيد: ايه يا برنس..ما تخليك في اللي انت فيه..احنا مش اتفقنا ولا ايه..؟
فتحي: لأ..ده مكنش اتفقنا م الأول..
- يدخل عليه فتلة الذى ارتدي زيا صعيديا ومسك بيده عصا غليظة ..
فتلة: سلاموا عليكم يا كبير..
فتحي: وايه اللي انت عامله في نفسك ده انت كمان..؟
فتلة: اعمل ايه كبير..لبس الشغل..اصلي كنت لسه جاي م العملية..والحمد لله..البضاعة وصلت..وفلوسها حطيتها في المكان اللي اتفقنا عليه..
فتحي: بضاعة..
فتلة: ابوه يا كبير..وعلى فكرة بقي..الناس طالبين كمية تانية..بس انا قتلهم على مهلكم..لما تنصرفوا في البضاعة دي نبقى نجيبلكم غيرها..عشان الحكومة اللي مترصدانا في كل حته دي..وبالذات الواد الطابط الجديد
فتحي:"بخوف" هي فيها طابط كمان...؟
فتلة:الواد بتاع القسم اللي هنا بيشاكل في دبان وشه و طالعنا فيها حبتين..مش عارف يمسك علينا فرصة راح متلكك.. قال ايه..الناس بيشتكوله منا وبيقولوله ان احنا بناخد منهم اتاوة
فتحي: ازي الكلام ده..انا مخدش من حد اتاوة..
فتلة: لا ما انا خدت يا كبير
فتحي: بتاخد منهم اتاوة..؟ من غير ما تقوللي..؟ مش عيب عليك..؟
فتلة: يا عم عيب ايه..؟ هي جت عليا..؟ ما تبص للى انت بتعمله..
فتحي: وانا عملت ايه..؟
فتلة: ملوش لازمة..انت برضو الكبير وعيب لما اخرجك..المهم..الواد الطابط ده باعتلنا..
- يشعر فتحي بالخوف..
فتحي: باعتلنا..يا نهار مش فايت..
- يتحول الى روح كاظم
كاظم: وبعدين معاك يابني..انت خواف كده ليه..؟ اسمع يا فتلة..
فتلة: اوامرك يا كبير..
كاظم:روح قول للواد الطابط ده ان كاظم بيه مبيروحش لحد..ولو هو علوزني..يجيلي
فتلة: (باستغراب) كاظم بيه..؟
كاظم: قصدي فتحي..فتحي..
فتلة: ماشي يا كبير..ما انت محدش بقي عارفك حاجة اليومين دول..بالأذن..(يهم بانصراف ثم يعود مرة اخرى) اه صحيح في حاجة تانية نسيت اقولك عليها..
كاظم:ايه هي..

فتلة: واحدة بره عايزاك.. ادخلها؟
 كاظم: دخلها..
 -يخرج فتلة
 كاظم: دي اكيد معارف روميو افندي
 -تدخل امرأة متوشحة لا يظهر من وجهها أي معالم
 كاظم: اتفضل يا سي روميو.. موزة
 - يتحول الى روح روميو..
 روميو: اوه.. ببببب.. ايه اللي انت لابساه ده.. غريب.. بس مثير.. وفيه حاجة سبيشيل i wanna
 see your eyes baby .. ايه ده انت مبترديش ليه؟
 -تخلع الوشاح فيظهر انه سلامة"البواب" ويمسك به بعنف..
 سلامة: (بلهجة صعيدية) مسكتك يا ولد الرفضي
 روميو: (خائفا) اوه.. شيت.. انت مين..
 سلامة: انا اللي استغفلته وهو غايب عن بيته ورزعتة على جفاه لحد ما ورم من كتر
 الرزع.. بجى انا اسافر واسيب مرتي ارجع الاجيها مخلقة ست عيال وكلهم بنات
 مفيهومش واد واحد؟ والله لأجتلك وامشي في جنازتك.. اتشاهد على روحك ياض..
 - يخرج سلامة مسدسا من ملابسه ويوجهه الى روميو وسط دعره الشديد..
 روميو: استني .. ان عايز اقول..
 سلامة: هتجول ايه بعد اللي عملته..
 روميو: عايز اقول (صائحا) الحقوني
 - يتحول الى روح زوبة
 زوبة: (بشهقة عالية) مين ده..؟ انت هتعمل ايه يا جدع انت..
 سلامة: احتشم ياد انت في حديثك..
 زوبة: لا.. دا انت ملكش غير كاظم.. الحق يا كاظم
 -يتحول الى روح كاظم
 كاظم: فيه ايه..؟ ايه ده؟ مسدس فوق نفوخي..؟ سيد
 سيد: اوامرك يا بوس
 كاظم: اتصرف
 سيد: وجب
 - يمسك سيد بذراع سلامة ويأخذ منه المسدس ويطرحة ارضا..
 سيد: ها يا بوص.. تحب اخلص عليه..
 سلامة: ايه يا اخويا الكروثة دي..
 روميو: لا.. سيبهولى الأول.. انا عايزه في كلمتين مهمين قوي.. (لسلامة) ها يا حبيبي.. كنت عايز
 تقتلني مش كده..؟ يا ترى ايه السبب..؟ ان كانت مراتك خانتك وانت غايب.. يبقى انا ايه
 ذنبي..
 سلامة: ذنبك انك غاويتها.. بكلامك المعسول.. وقرشيناتك..
 روميو: نو تشيف.. مش هو ده ذنبي.. الذنب عندك انت.. انت اللي سبيت بيتك مفتوح واللى يسبب
 بيته مفتوح ميز علش لو رجع ولاقاه مسروق.. معلش يا شيف.. كنت مستعد اسامحك بس
 وجود واحد زيك في الدنيا بيهدد حياتي.. ايم سو سورى.. سيد
 سيد: يادي سيد..
 روميو: اتفضل مارس هوايتك..
 سيد: وجب..
 - يطلق سيد عليه رصاصة فيردي سلامة قتيلة مع دخول فتلة الذي يرى الموقف فيلطم على
 خديه..
 فتلة: يا نهار اسود.. هي حصلت القتل كمان..
 - يعود فتحي الى واقعه.. يرى القتل ولطم فتلة.. يشعر بالذعر..
 فتحي: ايه اللي حصل ده..؟ الراجل مات بجد.. الراجل مات.. ليه..
 كاظم: كان لازم يموت.. وجوده كان خطر على حياتنا كلنا

فتحي: خطر تقوموا تموتوه..؟
فتلة: انت بتكلم مين دلوقتي..؟ خرينا في المصيبة اللي احنا فيها دي..
زوبة: ايه يا ننوس انت خفت ولا ايه..؟ لا..مفيناش من كده
فتلة: لا.. انت كده اتجننت بجد.. انا ماليش قعاد معاك..ومن هنا ورايح انت في سكة وانا من سكة
تانية خالص..
فتحي: استني يا فتلة..متسبنيش لوحدي..مش انا اللي قتلتك..دول هما..
-يخرج فتلة خائفا..
فتحي: فتلة..فتلة..حرام عليكم..حرام عليكم..ليه..ليه..ليبيه؟
(يسقط على ركبتيه فيتحول الى روح سيد)
سيد: احسن اللي هو مشي.. ده حتى كان واد رذل
فتحي: لا..الى بيحصل متفقناش عليه..متفقناش عليه
كاظم:وبعدين معاك..؟ انت اول مرة تشوف قتيل ولا ايه..؟ اهدي يا بابا..ومتقلش
-يدخل الضابط فجأة
الضابط: بقى انا اندهلك تبعتلى تقولي اللي عايزني يجيلي..؟ (يفاجأ بوجود القتيل) ايه ده..؟
كاظم: ذي ما انت شايف يا حضرة الضابط..قتيل
الضابط: يا راجل..؟
كاظم: ايه رأيك في المفاجأة دي..
الضابط: مفاجأة حلوة..بس المفاجأة الأحدى..لو قولتلى ان انت اللي قتلتك وتيجي معايا عالقسم
بهوء..
كاظم: القسم..؟
الضابط: اه..ده القسم عندنا فيه حاجات حلوة كتير هتعجبك..
كاظم: لا يا راجل..؟
الضابط: اه والله..
كاظم: في لعب وكده..
الضابط:لعب وشخايل وعرايس واللى خيالك يحبه
كاظم: طب ماهو حلو اهه..امال بيقولوا غير كده ليه..؟
الضابط: انت عارف بقى العيال الصحفيين اللي عايزين يتشهبوا على قفانا..كل شوية يقولوك
معرفش حالة تعذيب في قسم ايه..واحتجاز بدون تحقيق في نقطة ايه..تعدي بالضرب
على مواطن حتى الموت بسبب ايه..وامين شرطة تعرض لفتاة معرفش فين..وهاربينا يا
اخي
كاظم: فعلا..الصحفيين هما اللي موظفين البلد..
الضابط: اه والله..هما واليوتيوب..مش هيردوا على جنة
كاظم: معلى يا حضرة الضابط..دي متاعب المهنة
الضابط: نقول ايه بقى..محدث بياكلها بالساهل..سيبك انت ويالا بينا احنا عشان انا عندي
صيغة محضر في دماغي يارب تكون من نصيبك
كاظم: صيغة حلوة..؟
الضابط: جدا..
كاظم: طب ما تسمعاني كده..يمكن احتاج شوية تعديلات فيها
الضابط:"بحدة" انا محدش يعدل عليا
كاظم: ياعم انت فاكر نفسك وحيد حامد..؟ قول يمكن اقولك على فكرة اجمد تاخذلك فيها ترقية
ولا علاوة شهرين
الضابط: مدام كده ماشي..استعد بقى..انه في يوم كذا في ساعة كذا مش مهم التاريخ والوقت
نبقى نظبطهم بعدين..جاءت مكالمة من مجهول الى رئيس مباحث قسم شرطة..
كاظم:"بضيق"استنى استنى استنى..انت اكاديمي..؟
الضابط:"بنقة" طبعا..ونقابي كمان
كاظم: انا قولت كده برضو..كمل

الضابط: وحين انتقلنا الى مكان الحادث وجدنا قتيلًا يرتدي جلبابًا صعيديًا ..بينما كان الجاني يحمل بعض الأسلحة البيضاء .. والصفراء .. والحمراء .. بمختلف الأنتماءات .. وحين طلبنا من الجاني إلقاء أسلحته قاومنا بشدة .. وقام بالهجوم المضاد العنيف ضد رجال الأمن ..

(يبدأ الضابط وكاظم تمثيل ما يرويهِ الضابط وما يراه في خياله .. فيبدوا انه يرى حربا تحدث امامه فنرى اشخاص يركضون هنا وهناك وصراخا يدوي بالمكان .. كما نرى بعض الأشخاص يسقطون تباعا)

الضابط: مستخدما الكثير من اسلحة الهاون المضادة للطائرات وصواريخ سكود .. والأر بي جي .. كما دعمته بعض طائرات من طراز اباتشي .. واف ستاشر .. كما سقط عدد من المدنيين الشهداء ورجال الأمن الشرفاء .. الى ان ظهر رئيس المباحث اخيرا وتدخل على طريقة بات مان .. وقام بمبادلة الجاني اطلاق النار .. ثم تمكن منه .. فلم يستسلم الجاني .. بل قام بالمقاومة .. فقامت بينهما مشاجرة بالأيدي .. انتهت بهزيمة الأخير هزيمة ساحقة .. (يختفى كل شيء على المسرح ويعود الوضع الى ما كان عليه ..)

الضابط: ها .. ايه رأيك في صيغة المحضر دي ..؟
كاظم: مش عارف .. بس انا حاسس انه محضر مقتبس من فيلم اجنبي
الضابط: ما كلو بيقتبس .. جت عليا يعني ..؟ ...
كاظم: اه صحيح .. نسيت ان انت اكاديمي .. بس ده برضو هيعرضك لهجوم شديد وخصوصا من النقاد .. انت عارف المنفسنين
الضابط: عندك حاجة احلى ..؟

كاظم: عندي .. خد دي .. حين انتقلنا نحن رئيس اول مباحث القسم اللي انت فيه ..
الضابط: ها

كاظم: وجدنا المجنى عليه يحمل مسدسا عيار تسعة مللى وعليه بصماته وقد انطلقت منه رصاصة اخترقت رأسه .. وحين سألنا شهود عيان اجابونا بالتالي ..
(يبدأ كاظم بالتحقيق مع زوبة ..)

زوبة: كنا قاعدين في امانة الله .. فجأة .. لاقيناه بيجري في الشارع وبيقول ..
(ينهض سلامة ويبدأ في تمثيل ما يحدث ..)

سلامة: خانتني .. الخيانة .. باعنتني .. البايعة .. سابتني .. السايبة ..

زوبة: وكان "مأفور" ع الآخر

كاظم: ها .. وبعدين ..؟

زوبة: بس يا سيدي .. وقام معيط ..

كاظم: هممم .. "يكتب في المحضر" وقام معيط

زوبة: بعدها طلع مسدس من جيبه وقال

سلامة: المسدس ده مش عشان اجتلها .. لاه .. ده .. عشان اجتلته هو

الضابط: هو مين

سلامة: فتحي ولد السيد على

الضابط: ليه ..؟

سلامة: عشان خدعني .. غشني .. ومعملش بالجيرة اللي بيناتنا .. ولا بالسانسير اللي مش موجود

الى كنت بعمله ليه صيانة كل اسبوع

الضابط: هو اللي خاذك ..؟

سلامة: لاه .. بس هو اللي جاللى انهم ضحكوا عليا في البلد وجوزوني واحد صاحبي .. وفي الآخر اكتشف ان مرتي بتخلف .. يعني مرتي طلعت واحدة ست مش راجل .. يبجي غشني ولا لاه ..؟

زوبة: بس يا سيدي .. وقام طالع على فتحي جري ..

سيد: طلعلنا وراه ..

زوبة: وقع ع السلم م الجري ..

روميو: سندناه ..

زوبة: وقع ثاني ..

سيد: شلناه..
زوبة: تعب من طلوع السلم..
روميو: طلعهنا..
زوبة: دخل على فتحي
سيد: واحنا معاه..
زوبة: طلع المسدس من جيبه
كاظم: وضربه بالنار..
زوبة: لأ.. عطس.. وهو بيعطس.. صباعه جه ع الزناد فخرجت الطلقة وراحت داخله في دماغه
هو..

(يقع سلامة على نفس وقوعه الأول...)
زوبة: "بجزن مصطنع" بعدها روحنا مصوتين.. ولو لاقينا غطا كنا غطيناه.. وده الجديد من كوك
زيرو.. يعني الصعيدي لما يعطس.. يتقاله "انا لله وانا اليه راجعون"
(يصفق كاظم بسعادة وإعجاب...)
كاظم: الله.. الله.. الله.. "الضابط" شايف شغل الهواة..؟ بزمك.. فيه محضر احلى من كده..؟ شايف
الواقعية..؟
الضابط: هو حلو.. بس ده مش هيخليني بطل.. وانا عايز ابقى بطل عشان الترقية
كاظم: وبعد ما تاخذ الترقية..؟
الضابط: مرتبي هيزيد ميت جنيه
كاظم: طب ايه رأيك لو سيبك م الترقية دي.. واديتك انا ترقية من عندي.. ومرتبك يزيد الف
جنيه مش مية..
الضابط: "بحدة وعصيبة" انت بتقول ايه..؟ انت كده بترشيني
كاظم: اه
الضابط: طب ترشيني بألف جنيه بس..؟ دول ميودونيش راس البر
كاظم: الفين..
الضابط: ميودونيش العين السخنة
روميو: ثلاث تلاف..
الضابط: ميودونيش مارينا
زوبة: اربع تلاف
الضابط: ميودونيش شرم
كاظم: "بعصيبة" عايز تصيف فين م الآخر..؟
الضابط: يعني.. بيونس ايرس.. مونتريال.. هاواي..
(يخرج كاظم موبائل من جيبه...)
كاظم: طب بقولك ايه..؟ انا دلوقتي سجلت كلامك معايا وانت بتحاول تاخذ منى رشوة عشان
تداري ع القتل.. فإيه رأيك..؟
(يفكر الضابط لحظة...)
الضابط: انا بقول مفيش احسن من فايد
(يضحك الأرواح بسعادة وانتصار..)

المشهد الخامس

(تفتح الأضواء على فتحي هو ممسكا برقبة شاهين بقوة وعنف...)
فتحي: هأقتلك.. والنعمة لأقتلك
شاهين: يا ابني اهدى
فتحي: مش ههدى.. ولازم أقتلك.. لازم ادمرك ذي ما دمرت حياتي
(فلت شاهين من قبضة فتحي)
شاهين: يوووه.. واضح انك اتجننت..

فتحى: ايوه اتجننت.. خلاص.. مبقاش فيا مخ.. واللى قتل مرة يقتل عشرة وعشرين ومليون.. وانا .. قتلت.. عملت ايه؟

شاهين: قتلت..

فتحى: لأ ومش بس كده.. دا انا كمان بعث مخدرات وتاجرت في السلاح وكله كوم وام ريعو وبننتها كوم.. ام ريعو بقت تعمل كلييات.. وبننتها بقت تفتح ازايز في البارات شاهين: طب وانا مالى.. انا ذنبى ايه.. انت قتلت وتاجرت في المخدرات وعملت كل حاجة في الدنيا وحشة.. انا ذنبى ايه..؟

فتحى: ذنبك ان انت اللى سلطت الأرواح دى عليا.. انت اللى دخلتهم جوا جسمى شاهين: كداب.. مش انا اللى دخلتهم جواك..

فتحى: امال مين..؟ امى..؟ امى طلعت من تربتها واديتهم تأشيرة جرين كارد؟ شاهين: لا يا فتحى.. انت اللى دخلتهم بنفسك فتحى: انا..؟؟!!

شاهين: ايوه انت.. انت اللى سبت روحك تهرب منك.. مرضيتش بيها.. محبتهاش.. حاولت تخلص منها.. وفرحت بشوية الشياطين ووعدهم.. قصدى.. الأرواح.. وصدقتهم.. ومديت ايدك في ايديهم.. وسببتهم جسمك يعملوا فيه اللى هما عاوزينه.. وفي الآخر.. زعلان.. طب زعلان ليه..؟ ما انت اللى غلطان م البداية

فتحى: بس انت اللى عرفتهم طريق جسمى

شاهين: وانت اللى سببتهم مفتوح

فتحى: انت اللى سلطتهم عليا

شاهين: وانت اللى رحبت بيهم.. يا ابنى الحكاية مش مين اللى جابهم.. الحكاية مين اللى وطنهم واستسلمهم م البداية وهو عارف انهم بيدوروا على اى حاجة يتشعلقوا عليها ويمصوا دمها لغاية ما مبقاش فيها اى حاجة تنفعهم.. بعدها.. يسيبونها ويدوروا على غيرها.. م انت عارف كل حاجة.. وكنت عارف اهدافهم م الأول كمان.. بس انت حبيت تعمل ذكي وقلت اهو استفاد منهم.. استفاد من قوتهم.. واديك اول واحد انضربت.. قلت استفاد من نفوذهم.. وبقيت ايه..؟ عبد ذليل ليهم.. وفي النهاية قلت استفاد من دماغهم وتفكيرهم.. واديك ايه اكثر واحد في الدنيا غايب عن وعيه.. مش بس كده.. دا انت بقيت اغبي واحد على وجه الأرض.. انا مغلطنش يا فتحى اكثر ما انت غلطت في حق نفسك..

فتحى: طب والحل.. انا كده خلاص..؟ بقيت تابع ليهم يعملوا اللى هما عاوزينه من غير ما افتح بقى..؟

شاهين: الحل موجود يا فتحى.. بس للأسف.. مش بايدى قد ما هو بايدك.. ارجع يابنى ودور على روحك.. الروح اللى فرطت فيها.. وشوفها راحت فين.. واكيد.. لما هترجع الروح.. حاجات كتير قوى هترجع معاها

(يهم شاهين بالأنصراف فيستوقفه فتحى)

فتحى: استنى.. انا ممكن الاقيها فين..؟

شاهين: اكيد قريبة منك.. اكيد مش بعيد.. اكيد جواك

(يتركه شاهين ويخرج..)

(يتحول الى شخصية كاظم وهو يصفق)

كاظم: برفو.. محاضرة اثرت فيا انا شخصيا.. تصوروا يا ولاد..

سيد: ايه يا بوص

كاظم: فتحى زعلان منا

زوية: ليه كفلنا الشر..

كاظم: قال ايه..؟ احنا احتلينا جسمه غصب عنه

روميو: I am so sad

كاظم: شفتوا قد ايه هو ظالما

(يعود فتحى الى شخصيته مرة اخرى)

فتحى: لا.. انتوا اللي ظالمين

كاظم: احنا اللي عملناك سعر

فتحى: واستعبدتونى في المقابل

سيد: احنا اللي حميناك

فتحى: وجلدتونى بعدها

روميو: احنا اللي حققناك رغباتك

فتحى: باغتصاب الحق الغير مشروع

زوبة: احنا اللي وديناك للنور

فتحى: "صارخا" وغميتوا عنيا عشان مشفوش

كاظم: "صارخا" عايز ايه يعنى..؟

فتحى: تسيبونى في حالى

(يضحك كاظم بهيستيريا وحدة.. تقل ضحكته تدريجيا)

كاظم: عارف المثل اللي بيقولك .. عشم ابليس .. اهو المثل ده بينطبق عليك بالظبط..

فتحى: يعنى ايه..؟

كاظم: يعنى بتعلم.. بتعلم يا حبيبى.. واسأل عن اللي قبلك.. اللي حب يعلى حتى صوته علينا اسأل

عملنا فيه ايه..؟ اقولك عملنا فيه ايه..؟ ضحينا بيه في العيد الكبير.. دبحناه.. ومسمعنا لوش

صوت .. ومحدث سمع له صوت.. راجع نفسك يا فتحى.. عشان النهاية.. هتبقى

وحشه.. وحشه قوى.. وع الكل.. وانا ما اظنش ان النهاية بتاعتنا هتعجبك.. سلام..... مؤقت

(يقع فتحى على الأرض.. يبدو في قمة الشرود.. يشرد بذاكرته...)

صوت فتحى: استنى رايحة فين..؟

صوت الروح: رايحة اشوفلى جسم تانى احسن من جسمك.. يا معفن

صوت فتحى: الله يرحم.. الله يرحم ساعة ما كنت بتتوحمى على بنطلون جينس م الوكالة

صوت الروح: كانت ايام بقى الله لا يرجعها تانى

فتحى: لا.. يا ريتها ترجع تانى.. يارتها ترجع تانى

(تدخل الروح من خلفه..)

الروح: اكيد هترجع تانى

فتحى: انت رجعت..؟

الروح: ايوه رجعت

فتحى: بعد ايه؟.. ما خلاص.. مبقاش فيه فرصة.. والوقت شكله فات

الروح: لأ .. لسه فيه فرصة

فتحى: فاضل ايه..؟

الروح: انك تقاثل وتخرجهم من جسمك

فتحى: اقاتل مين..؟

الروح: الشياطين اللي احتلوك

فتحى: اقاتلهم ازاي وبياه؟

الروح: بايدك يا فتحى

فتحى: ايدى فاضية من غير سلاح

الروح: سلاحك جواك واقرى من سلاحهم

فتحى: طب هو ايه..؟

الروح: قولة لأ في وشهم

فتحى: اخاف

الروح: تخاف من ايه..؟

فتحى: دول بيقولوك ضحوا باللى قبلنا فى العيد

الروح: خايف لتكون كبش الفدا..؟ خايف تموت..؟ طب ما انت عايش ايه بس ميت اكتر منك

عايش..

فتحى: كفاية

الروح: عايز تعيش مستسلم..؟

فتحي: كفاية..

الروح: عايز تعيش جبان..؟

فتحي: كفاية بقى كفاية

الروح: عايز تكون عبد؟

فتحي: كفاية

الروح: عيش عبد.. بس اوعدك انك برضه هتموت.. ولما هتموت برضه وانت عبد.. ومش هتخد عليها لأن محدش خلد عليها.. واسمك هينتهى م الوجود للأبد.. اسمك هيتمحي من ع الدنيا.. وحتى اللي هيفتكرك.. مش هيفتكرك منك غير الفشل والذل والفقر.. عشان ده اللي انت ورثته منك.. وكل اللي هيتقال عليك.. هيتقال انه كان في واحد اسمه فتحي .. عاش عبد ومات جبان

فتحي: "صارخا" كفايييييييييييه

(تختفى الروح تدريجيا .. يصاب فتحي بما يشبه الجنون.. يتجه الى "جركن" كيروسين ويبدأ في رش الكيروسين بهيستريا في جميع ارجاء المكان)
فتحي: المكان ده ملعون.. وكل اللي فيه ملعونين.. وانا اولهم.. بس محدش هيقدر النهاية غيرى.. انا بس اللي في ايدى النهاية.. المكان ده مش لازم يبقى موجود على وش الدنيا (يرمي بال"جركن" .. يدخل فتلة فجأة.. ينظر الى فتحي في جمود شديد.. يلاحظه فتحي)
فتحي: فتلة.. اهرب .. اهرب وخد لوزة وامها وكل الناس وامشوا من هنا امشوا بعيد.. روحوا في اى حته وعيشوا في اى مكان تاني.. وسامحوني على كل اللي عملته فيكم.. انا مش اللي انتوا فاكريه.. مش انا البطل اللي كلكم افكرتوه.. انا انسان مزيف.. مزيف.. (يضحك فتلة ضحكة غريبة.. ثم يتحدث الى فتحي بروح كاظم..)

كاظم: طب ما احنا عارفين كل ده يا فتحي

(يصاب فتحي بالذهول الشديد)

كاظم: و فتلة برضه عارف.. ومبسوط.. وراضي.. زيك كده في الأول.. مش كده يا فتلة؟

فتلة: كده.. وابو كده

فتحي: قصدك ضحككوا عليه ذي ما ضحككوا عليا.. فتلة فوق يا فتلة فوق.. فوق.. فتلة الناس دول عايزين يدمروك ذي ما دمروني.. فتلة.. فتلة (يضحك الأربعة ارواح في وقت واحد مما يصيب فتحي بما يشبه الجنون.. فلا تحتلمه قدماه ويترنح..)

كاظم:.. فتلة خلاص.. بقى الراجل بتاعنا.. حليف لينا.. ايه.. ؟ كنت فاكركنا مش هنلاقي جسم غيرك..؟ مستغرب مش كده..؟ مستغربش يا فتحي.. اصل احنا اكتشفنا ان المنطقة بتاعتكم دي فيها ناس كتير قوي.. عايشين من غير روح..

زوبة: يعني مش انت بس..

سيد: كلكم..

روميو: من غير روح..

كاظم: واحنا مش بالغباء اللي يخلينا نستنى واحد زيك لما يقضي علينا كلنا.. وعشان كده.. احنا جينا في اخر مهمة لينا معاك.. العقاب يا فتحي
فتحي: مش مهم.. مش مهم انا اتعاقب.. لأنني استاهل العقاب.. بس المهم اللي جاي من بعدي.. ميعيش الحياة اللي انا عيشتها.. فتلة.. لو كنت سامعنى.. فلانم تعرف ان مصيرك معاهم.. هيبقى ذي مصيرى كده بالظبط.. فوق يا فتلة.. قبل ما تبقى نهايتك نفس نهايتى....

(يمد فتلة يده الى فتحي وقد شعر بتعاطف معه ثم يسحبها فجأة ويرفعها لأعلى ويهوى بها على رأس فتحي)